



Broj: 07-14-944/19
Vogošća, 18.06.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 18.06.2019. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA IZGRADNJI I
REKONSTRUKCIJI VODOVODNE MREŽE U ULICI AHMEDA RIZVE SA KRAKOVIMA**

Član 1.

Ponuda ponuđača "Mibral" d.o.o. Sarajevo, ulica Srebrenička broj 1. Sarajevo, odabrana je za izvođenje radova na izgradnji i rekonstrukciji vodovodne mreže u ulici Ahmeda Rizve sa krakovima, kao jedina formalno-pravno prihvatljiva ponuda, sa ukupnom cijenom nabavke u iznosu od 541.099,90 KM bez uračunatog PDV-a, odnosno 633.086,88 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 07.05.2019. godine donio Odluku o pokretanju Otvorenog postupka nabavke radova na izgradnji i rekonstrukciji vodovodne mreže u ulici Ahmeda Rizve sa krakovima, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 09.05.2019. godine pod brojem: 1353-1-3-107-3-72/19.

Sažetak Obavještenja o nabavci objavljen je u "Službenom glasniku BiH" broj: 33/19 od 10.05.2019. godine.

Tendersku dokumentaciju sa Portala javnih nabavki BiH je preuzelo 20 (dvadeset) ponuđača. Krajnji rok za dostavu ponuda bio je 24.05.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 24.05.2019. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-14-944/19 iz maja 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1	"Ted-invest" d.o.o. Sarajevo	660.192,86	/	/	772.425,64
2	"Mibral" d.o.o. Sarajevo	541.099,90	/	/	633.086,88

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Ted-invest" d.o.o. Sarajevo ne ispunjava formalno-pravne uslove tražene Tenderskom dokumentacijom i to:
 - Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i 2 izvršioca, SSS građevinske struke-III stepen, smjer zidari ili tesari (KV zidari ili tesari).

Tačkom 7.4.2. pod b) TD je pored ostalih zahtjeva traženo da se kao dokazi za 2 izvršioca, SSS građevinske struke-III stepen, smjer zidari ili tesari (KV zidari ili tesari) dostave Diplome/Svjedočanstva o završenoj traženoj stručnoj spremi i dokazi o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Ted-invest" d.o.o. Sarajevo je u svojoj Ponudi (strana 73-76. Ponude) kao dokaz za traženo dostavio Uvjerenje o osposobljenosti broj: 2882/178 od 08.09.1978. godine izdato od strane Centra za odgoj i obrazovanje u građevinarstvu i industriji građevinskog materijala "Ćiro Gamulin" Split, kojim se dokazuje da je uposlenik Bisić Omer stekao zvanje samostalnog stručnog radnika (KV) građevinske struke-zanimanja tesar.

Komisija za javne nabavke cijeni da dostavljeno Uvjerenje nije u skladu sa traženim dokazima iz tačke 7.4.2. pod b) TD i da isto ne ispunjava uslove postavljene u TD (kao dokazi su jasno tražene Diplome/Svjedočanstva o završenoj traženoj stručnoj spremi).

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i 2 izvršioca, SSS saobraćajne struke-III stepen, smjer vozač motornih vozila (KV vozači).

Tačkom 7.4.2. pod b) TD je pored ostalih zahtjeva traženo da se kao dokazi za 2 izvršioca, SSS saobraćajne struke-III stepen, smjer vozač motornih vozila (KV vozači) dostave Diplome/Svjedočanstva o završenoj traženoj stručnoj spremi i dokazi o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Ted-invest" d.o.o. Sarajevo je u svojoj Ponudi (strana 81-84. Ponude) kao dokaz za traženo dostavio Diplomom o završenoj srednjoj stručnoj školi, izdatu od strane JU "Srednja škola za saobraćaj i komunikacije" Sarajevo broj: 06-87-V od 15.02.2016. godine, kojom se dokazuje da je Sijerčić Ismir stekao zanimanje vozač motornih vozila. Ponuđač "Ted-invest" d.o.o. Sarajevo je međutim propustio da dostavi dokaz o radnom angažmanu za pomenutog radnika tražen TD.

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i 1 (jedno) lice, SSS saobraćajne struke-III stepen, smjer rukovalac građevinskim mašinama (KV rukovalac građevinskim mašinama).

Tačkom 7.4.2. pod b) TD je pored ostalih zahtjeva traženo da se kao dokaz za 1 (jedno) lice, SSS saobraćajne struke-III stepen, smjer rukovalac građevinskim mašinama (KV rukovalac građevinskim mašinama) dostavi Diploma/Svjedočanstvo o završenoj traženoj stručnoj spremi i dokaz o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Ted-invest" d.o.o. Sarajevo je u svojoj Ponudi (strana 85. Ponude) kao dokaz za traženo dostavio Uvjerenje o osposobljenosti za rukovanje građevinskom mašinom broj: 1356/10 od 24.05.2010. godine izdato od strane "Proving" d.o.o. Sarajevo, preduzeća za protivpožarni inženjering, marketing, istraživanje i razvoj, kojim se dokazuje da se uposleniku Bećirović Mirsadu priznaje stručna osposobljenost za rukovaoca građevinskom mašinom-bagerom.

Komisija za javne nabavke cijeni da dostavljeno Uvjerenje nije u skladu sa traženim dokazima iz tačke 7.4.2. pod b) TD i da isto ne ispunjava uslove postavljene u TD (kao dokaz je jasno tražena Diploma/Svjedočanstvo o završenoj traženoj stručnoj spremi).

- Tačkom 7.4.1. pod c) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova. Kao jedan od dokaza tačkom 7.4.2. pod c) TD je traženo da se dostavi Izjava na obrascu ponuđača da ima u posjedu odgovarajuće građevinske mašine (mehanizaciju) i opremu potrebnu za izvođenje predmetnih radova sa priloženim ovjerenim popisom sredstava rada i opreme na obrascu ponuđača, ili inventurnom listom ili ugovor o najmu shodno tački 7.4.1 c).

Ponuđač "Ted-invest" d.o.o. Sarajevo je u svojoj Ponudi propustio da dostavi traženu Izjavu na obrascu ponuđača da ima u posjedu odgovarajuće građevinske mašine (mehanizaciju) i opremu potrebnu za izvođenje predmetnih radova.

- Tačkom 7.4.1. pod c) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova, i između ostalog da ima na raspolaganju 2 kamiona (sandučar-kiper). Tačkom 7.4.2. pod c) TD je između ostalog traženo da se kao dokazi za tražene kamione sandučare-kipere iz tačke 7.4.1. pod c) stavka 2. dostave važeće saobraćajne dozvole/potvrde o registraciji.

Ponuđač "Ted-invest" d.o.o. Sarajevo je u svojoj Ponudi (strana 87-88. Ponude) dostavio Upotrebnu dozvolu za kamion "Mercedes-Benz"-samoistovarivač/kiper, izdatu od strane "Rudarsko-tehnološkog zavoda" d.o.o. Prijedor broj: F-30-1/2018 od 27.09.2018. godine i Upotrebnu dozvolu za kamion kiper "Mercedes-Benz", izdatu od strane "Rudarsko-tehnološkog zavoda" d.o.o. Prijedor broj: F-11-1/2016 od 25.05.2016. godine.

Komisija za javne nabavke cijeni da dostavljene Upotrebne dozvole nisu u skladu sa traženim dokazima iz tačke 7.4.2. pod c) TD, jer je istom tačkom jasno traženo da se kao dokazi dostave važeće saobraćajne dozvole/potvrde o registraciji.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Mibral" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Mibral" d.o.o. Sarajevo, te je izvršena računska provjera dostavljene ponude i utvrđeno da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Obzirom da ponuda ponuđača "Mibral" d.o.o. Sarajevo sa ukupnom ponuđenom cijenom u iznosu od 541.099,90 KM bez uračunatog PDV-a, znatno prelazi procijenjenu vrijednost nabavke koja iznosi 430.000,00 KM bez uračunatog PDV-a, Komisija za javne nabavke je zaključila da je ukupni iznos dat u predmetnoj ponudi znatno veći od osiguranih sredstava za predmetnu nabavku tj. ista je procentualno veća za cca 20,5322 % u odnosu na procijenjenu vrijednost nabavke.

Nakon što je Komisija za javne nabavke dala preporuku Općinskom načelniku da se predmetni postupak poništi zbog znatno veće cijene ponude u odnosu na procjenu, Općinski načelnik je bio mišljenja da je potrebno tražiti izjašnjenje Službe za komunalne, poslove mjesnih zajednica i zajedničke poslove po pitanju procjene vrijednosti projekta i obezbjeđenja finansijskih sredstava za realizaciju istog.

Nakon toga dana 13.06.2019. godine Komisija za javne nabavke je zatražila izjašnjenje nadležne Službe.

Služba za komunalne, poslove mjesnih zajednica i zajedničke poslove je aktom broj: 07-14-944/19 od 17.06.2019. godine dala sljedeće izjašnjenje: "Nakon što je pregledana tenderska vrijednost validne ponude, ponovo je izvršena evaluacija (kalkulacija procijenjene cijene), te je konstatovano da je došlo do greške u procijenjenoj vrijednosti radova na projektu izgradnje i rekonstrukcije vodovodne mreže u ulici Ahmeda Rizve. Greška je nastala iz razloga što su projektantske cijene bile dosta niže i što se prilikom izrade predmjera i predračuna radova zaboravio uvrstiti dodatni krak na kojem su planirani radovi. Shodno tome, smatramo da je ponuđena cijena u iznosu od 541.099,90 KM bez PDV-a u odnosu na procijenjenu cijenu radova u iznosu od 430.000,00 KM bez PDV-a odgovarajuća, odnosno ne može se smatrati da značajno prekoračuje vrijednost procjene. Obzirom da je predviđeno zaključivanje Okvirnog sporazuma na 2 godine smatramo da se razlika sredstava može obezbjeđiti u Budžetu Općine Vogošća za vremenski period od 2 godine". Prilog predmetnom izjašnjenju je Službena zabilješka.

Iz navedenih razloga, uvažavajući činjenicu da je Općinski načelnik dao saglasnost na predmetno izjašnjenje, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Mibral" d.o.o. Sarajevo, za izvođenje radova na izgradnji i rekonstrukciji vodovodne mreže u ulici Ahmeda Rizve sa krakovima, kao jedine formalno-pravno ispravne ponude, sa ponuđenom ukupnom cijenom nabavke u iznosu od 541.099,90 KM bez uračunatog PDV-a, odnosno 633.086,88 KM sa uračunatim PDV-om.

Dostavljeno:

1. "Ted-invest" d.o.o. Sarajevo
2. "Mibral" d.o.o. Sarajevo
3. Nadležnoj Službi
4. U dosije
5. a/a

033/668-306

033/656-680

OPĆINSKI NAČELNIK


Edin Smajić